



Deklarasyon pou Laprès

POU PIBLIYE IMEDYATMAN 6/27/25

Koalisyon MIRA Reyaji sou Desizyon Tribinal Siprèm sou Desizyon Administrasyon Trump la pou Fini ak Dwa Sitwayènte pa Nesans

BOSTON, MA – Koalisyon Defans Imigran ak Refijye nan Massachusetts (MIRA) pibliye deklarasyon sa kòm repons sou desizyon Tribinal Siprèm Etazini pran pou retire pouvwa tribinal ki pi ba yo te genyen pou bloke aksyon Prezidan Trump lan pou mete fen nan dwa sitwayènte pa nesans nan tout peyi a.

“Desizyon Tribinal Siprèm lan jodi a pou rejte entèdiksyon tribinal ki pi ba yo ap bay opòtinite pou chak eta decide kilès ki sitwayen Ameriken e ki moun ki pa. Prezidan Trump lan lanse anpil atak sou kominote imigran yo, epi lè Tribinal Siprèm lan kite politik sa a kontinye san entèvansyon pandan tribinal ki pi ba yo poko decide, se yon wont,” se sa Elizabeth Sweet, Direktris Egzekitif Koalisyon MIRA, te di. “Tribinal yo rekonèt 14yèm Amannman an depi plis pase yon syèk, epi desizyon sa a pap anpeche Koalisyon MIRA kontinye batay pou dwa imigran yo nan Massachusetts e atravè peyi a.”

###

Koalisyon Defans Imigran ak Refijye nan Massachusetts (MIRA) se pi gwo òganizasyon san bi likratif nan rejyon New England ki angaje pou defann dwa ak enklizyon imigran ak refijye yo.